

Mendebaleko herritarrei Algeriatik irteteko ultimatumak eman die GIAk

Urtarrilaren 7tik aurrera bertan dauden atzerritarrak hil egingo dituztela mehatxatu du

Talde Islamiko Armatuak (GIA) —Algeriako talde armatu islamistak erradikalena—, duela urtebete egin bezala, Mendebaleko herritarren aurkako mehatxu kanpaina indartu zuen atzo eta urtarrilaren 7a arteko epea eman zien Algeriatik ihes egiteko. Egun horretatik aurrera «odol hotzean» hilko dituztela iragarri du.

ALGER

Erresuma Batuko, Alemaniako eta Estatu Batuetako gobernuak jaso zuten atzo GIAren ultimatumak, euren enbaxadetak langileek Algeriatik ihes egin dezaten. Mendebaleko hiriburuaren aurkako presioa areagotu nahi du GIAk. Joan zen astean Air France konpainiako hegazkina bahitu eta Frantziara eramanez ondoren hil ziren lau integristen «omenez» eginiko mendekuarekin Tizi Ouzou Kabiliako hiriburuaren lau aita zuri hil zituen talde honek, eta orduan Parisko Gobernua mehatxatu zuen.

GIAko ustezko kideek EEB-Betako Estatu Departamentuari bidalitako mezuan «Algeriaren harreman diplomatikoak hausteko» exigitu zioten Washingtoni, eta bozeramaile iparramerikar batek mezua «bromatzat» hartu baldin bazuen ere, ez dirudi EEB-Betako agintariek mehatxua gutxietsi dutenik.

Mendebaleko hiriburuaren arteko elkarlana eta Europar atentatuak eragozteko GIAko ustezko kideen informazioa trukatzeko



Polizia algeriar batzuk ustezko islamista armatuak arakatzeko.

ASSOCIATED PRESS

dutela ikusita, Algeriako talde armatu islamistak «etsai here-seak zigortzen» saiatzen ari dira. GIAren mehatxu hauen inguruan —adituen arabera Europar atentatuak egiteko behar adinako azpiegiturak ez duen arren—, Salbazorako Armada Islamiakoak (Salbazorako Fronte Islamiakoaren adar armatua) atzo adierazi zuen Frantziaren aurkako «gera bidezko» bihurtu dela.

**FIS-EN
JARRERAREN
AURKA**

Talde armatu islamisten jarrera erradikal hau ez da oso eroso Salbazorako Fronte Islamiakoarentzat (FIS),

une hauetan buru-belarri ari baita Algeriako oposizioako alderdiekin krisia konpontzeko elkarrizketa politikoari berrekitzeko saialdian. Aste honetan oposizioako alderdiek filtratu dutenez, goi bilera ari dira prestatzen taldeok FISekin batera akordio politikoan aurrera egiteko asmoz. Iturri hauen arabera Erroman egingo lukete gailur hori, joan zen udan egin zuten bezala. Dena den, ez da ezer esan ofizialki eta GIAren jarrerak ez du horretan lagunduko. Talde armatuek ez dute kontuan hartu erbesteko FISeko buruzagien jarrera, Rabat Kebir talde honetako bozeramaile

learena adibidez. Kebir Alemaniaren babestuta dago eta Bonnek errefuxiatu politikoaren estatusa eman dio.

FISeko buruzagitza politikoak estrategia aldatu eta arazoari konponbide politikoa eman nahi dion arren, talde armatu integristek eta bereziki GIAk ez dute azaldu militar eta zibilen aurkako borroka armatua eteteko asmorik. Horrek esan nahi du, adituen aburuz, Algeriako indar armatu eta talde integristen arteko borrokek eragotzi egingo dutela irteera politikoa, oposizioak eta Gobernuaren zati batek eskatzen duena hain zuzen ere.

Bihaceko eskualdean ez dira betetzen ari Bosniako su-eten hitzarmena

SARAJEVO

Bosnia-Herzegovinan musulmanek, serbiarrek eta kroaziarrak Urteberri egunean sinatu zuten lau hilabeterako su-eten hitzarmena oro har betetzen ari da, baina ez da halakorik gertatzen ipar-mendebaldeko eskualdean, Bihacen, atzo Nazio Batuetako iturriek aitortu zuten.

Enfrentamenduak, ez su-etena sinatu aurretikoen tamainakoak baina «serioak» Nazio Batuen arabera, Bosniako Gobernuak tropen eta Bihaceko tropen artean izan ziren, baina azken hauek Kroaziako Krajina eskual-

deko serbiarren laguntzarekin aritu ziren. Borrokarik gogorrenak astearte gauean izan ziren, eta Yasushi Akashi Nazio Batuetako Bosniarako ordezkari bereziak esan zuenez Bihacen dauden kasko urdinek behar duten laguntza (janaria eta materiala) ezin da bertara iritsi.

Herenegun gaueko enfrentamenduetan 300 granada inguru jaurtiki zituzten bi aldeek artean NBEko iturrien arabera. Atzo intentsitatea apaldu egin zen, eta kasko urdinek 11 granada zenbatu zituzten.

Bosniako beste lurraldeetan, berriz, su-etena «normalizatzen» ari dela esan zuten. Atzo bildu



Yasushi Akashi.

behar zuten Sarajevoko aireportuan hiru aldeetako buruzagi militarrek su-etenen gora-beherak aztertzeko. Bitartean, Sarajevoko Igman mendian tropa musulmanak erretiratzeko hasi ziren atzo Michael Rose jeneralak, kasko urdinen buruzagiak informatu zuenez. «Garrantzitsuena bakerako giro egokia sortu dela da», esan zuen Rosek, eta adibide gisa lurraldeetan su-etena betetzen den ikustatzeko batzorde mistoak osatu direla jarri zuen. Tuzla, Gorazde eta Gornij Vakufen hain zuzen, tropa musulmanen eta serbiarren buruzagiak batera ari dira lanean su-etena betetzen den ziurtatzen.

LABURREA

HEGAZKIN

bahiketa Sudane

Bikote batek Sudango hegazkin konpainiako 'Fokker' hegazkin bat bahitu zuen atzo Khartumen. Hiriburutik Moerouera (Sudango mendebalde) zihoan hegazkinean 36 pertsona zeuden, 33 bidaiari eta hiru tripulatzaila. Bahitzaileek bidaiari guztiak aske utzi zituzten Port Sudanen egin zuten geldialdian, eta bahiketari amaiera emateko Kairoara joatea exigitu zuten.

CHIAPAS: Samuel

Ruiz gotzainak gose greba utzi

Samuel Ruiz Chiapasko San Cristobal de las Casasko gotzainak atzo eman zion amaiera abenduaren 19an zuten gose grebari. Samuel Ruiz gotzainak Mexikoko Gobernua eta gerrila zapatistaren arteko bake negoziaketei berrekitzeko exigitu zuen berak gose grebari amaiera emateko. Azken egunetan bi aldeek lortutako akordioak direla medio, San Cristobal de las Casasko gotzainak lortutako zuzen bere helburua.

SUTEAN bi haur hil

dira errefuxiatuak babesetxe batean

Bi haur errefuxiatu hil ziren atzo beste bi zauritu atzo Alemaniako Zell im Wiesental herrian zegoen errefuxiatuentzako babesetxean su hartu zuen. Bi haur zauritu ziren sutea baina euren amak salbatu zituzten azken umeak. Polizia iturrien arabera, sutea akabur tekniko batek eragin zuen. Babesetxe horretako zenbait errefuxiatuak sutetik ihes egitea lortu zuten.

EKIALDEKO TIMOR

bost lagun hil dituzte istiluetan

Gutxienez bost lagun hil dituzte Ekialdeko Timorren azken hiru egunetan izan diren istiluetan, eta Indonesiako Gobernuak tropak bidali zituen atzo istiluei amaiera emateko, lekuko batek informatu zuenez. Protesta ugari izan dira egunotan Ekialdeko Timorren, Indonesiaren okupazioaren aurka. Indonesiako Armadak eginiko tiroen ondorioz hiru lagun hil ziren.